

1.UVOD

Oblici integracija država na evropskom kontinentu bili su u cilju stvaranja boljih životnih uslova, pa je Evropska unija postala cilj kojem teže sve države pa tako i Bosna i Hercegovina . U svom radu pokušaću prikazati Evropske integracije Zapadnog Balkana s posebnim osvrtom na Bosnu i Hercegovinu.

Za pola stoljeća postojanja, EU je iz temelja promijenila kvalitet života milionima ljudi i nagovijestila da će u fokusu svih njenih aktivnosti biti stvaranje uslova kako bi nakon „stoljeća rata“, decenije koje dolaze, mogle garantirati stoljeće mira, stabilnosti i prosperiteta.

Tri su glavne institucije EU: Vijeće Evropske unije, Evropska komisija i Evropski parlament. Ove institucije međusobno usko surađuju i čine tzv. institucionalni trokut koji je osnova djelovanja Unije.

Evropska unija danas ima 27 država članica, što je rezultat rada i truda Evropljana još od početka 50-ih godina prošlog stoljeća. Početak je bio osnivanje Evropske zajednice za ugljen i čelik 1951. godine, a osnovalo ju je 6 evropskih država: Belgija, Francuska, Italija, Zapadna Njemačka, Luksemburg i Nizozemska.

U drugom dijelu sam obradio proces stabilizacije i pridruživanja (PSP) Zapadnog Balkana.PSP podupire razvitak i pripreme zemalja zapadnog Balkana za buduće članstvo u EU kombiniranjem tri glavna instrumenta: Sporazuma o stabilizaciji i pridruživanju, autonomnih trgovačkih mjera i financijske potpore.

Zatim sam dao pregled trenutnog statusa država Zapadnog Balkana Hrvatske, Srbije, Crne Gore, Makedonije i Bosne i Hercegovine u odnosima sa Evropskom unijom.Pomoću tabela sam prikazao njihove trenutne ekonomske parametre na putu u Evropsku uniju.

I u posljednjem dijelu rada sam obradio Efekte priključivanja BiH Evropskoj uniji kroz IPA fondove.IPA je instrument predpristupne pomoći namijenjen državama kandidatkinjama: Hrvatskoj, Srbiji, Makedoniji i Turskoj i zemljama potencijalnim kandidatkinjama za članstvo u EU: Albaniji, Bosni i Hercegovini, Crnoj Gori te Kosovu.

Ciljevi IPA-e su pomoć zemljama korisnicama u usklađivanju domaćeg zakonodavstva s *acquis communautaire*-om i u njegovom provođenju te u pripremi zemalja za korištenje strukturalnog i kohezionog fonda Evropske unije.

Bosna i Hercegovina kao zemlja potencijalna kandidatkinja ima pristup dvjema prvim komponentama IPA-e: pomoć u tranziciji i razvoju institucija i prekogranična saradnja. U okviru ove dvije komponente za Bosnu i Hercegovinu su u periodu od 2007. do 2010. godine osigurana 332 miliona eura.

2. EVROPSKA UNIJA

2.1. Nastanak i razvoj EU

Evropska unija je jedinstvena međuvladina nadnacionalna ekonomsko-politička i monetarna zajednica evropskih država nastala kao rezultat procesa saradnje i integracija koji je formalnopravno utemeljen 1951. godine stvaranjem Evropske zajednice za uglj i čelik (EZUČ), a idejno zametnut još u 18. stoljeću, odmah nakon proglašenja nezavisnosti Sjedinjenih Američkih Država, 1776. godine.

Iz Evropske ekonomske zajednice (EEZ) u današnju Evropsku uniju (EU), formalna ugovornopravna transformacija je izvršena 1. novembra 1993. godine stupanjem na snagu Mاستrihtskog (Maastricht) ugovora o Evropskoj uniji.¹

Nakon zadnja dva proširenja na zemlje Centralne i Istočne Evrope, Maltu i Kipar (2004. i 2007. godine), EU se prostire na 4.325 675 kvadratnih kilometara, a broji skoro pola milijarde (496 miliona) prosječno bogatih potrošača koji pripadaju pretežno hrišćanskoj, a mnogo manje islamskoj i hinduističkoj religiji. Svi zakoni, direktive, odluke, zaključci i druga pravila ponašanja od značaja za sve članice Unije, svakodnevno se produciraju na 23 ravnopravnaslužbena jezika bez obzira što u Luksemburgu ili Malti živi tek po oko 400 hiljada stanovnika, au SR Njemačkoj naprimjer, 82 miliona.

¹Evropska unija John, Pinder Sarajevo, Tkd Šahinpašić